



Makna Sebenar Kemerdekaan
Khutbah Khas Sempena Kemerdekaan
(9 Muharam 1442H/ 28 Ogos 2020M)

الْحَمْدُ لِلَّهِ الَّذِي جَعَلَ الْإِسْتِقْلَالَ مِنْ سِمَاتِ
السَّعَادَةِ فِي الدُّنْيَا وَالْآخِرَةِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ
أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ! اتَّقُوا اللَّهَ حَقَّ تُقَاتِهِ
وَلَا تَمُوتُنَّ إِلَّا وَأَنْتُمْ مُسْلِمُونَ.



Sidang Jumaat Yang Dikasihi Allah,

Saya berpesan kepada diri saya dan tuan-tuan sekalian, di hari yang penuh kemuliaan ini marilah kita bertakwa kepada Allah, Tuhan yang mencipta kita sekali gus membekalkan segala nikmat yang tidak ternilai buat kita. Mudah-mudahan ketakwaan yang dibina, merangsang semangat juang untuk mempertahankan syariat Ilahi dan sunnah an-Nabawi di saat umat hari ini sebahagiannya tidak lagi mempedulikan syariat dan sunnah dalam kehidupan mereka. Mimbar Jumaat hari ini akan memperkatakan khutbah yang bertajuk: **Makna Sebenar Kemerdekaan.**

Sidang Jumaat Yang Dikasihi Allah,

Sebelum Baginda Nabi SAW diutuskan oleh Allah sebagai Rasul yang meneruskan perjuangan Islam, dunia berada dalam kegelapan. Masyarakat Arab jahiliah mengamalkan budaya hidup songsang yang penuh kejelikan dan segala amalan yang berpaksi kepada hawa nafsu umpama menanam anak perempuan hidup-hidup, semata-mata kerana takutkan kehinaan. Mereka menemui pawang dan tukang tilik kononnya mahu menentukan nasib.



Masyarakat mereka pula hanyut dengan hiburan dan keseronokan.

Setelah sekian lama para rasul tidak diutuskan, manusia mula menyeleweng daripada ajaran tauhid yang sebenar. Ajaran Allah yang disampaikan para rasul terdahulu pula disia-siakan. Mereka berada di dalam kesesatan, bila petunjuk Allah dikesampingkan dan ajaran nabi diabaikan, malah dimusuhi.

Maka Allah telah mengutuskan rasul dari semasa ke semasa, untuk mengembalikan manusia kepada jalan yang lurus. Firman Allah SWT dalam surah an-Nahl, ayat 36:

أَعُوذُ بِاللَّهِ مِنَ الشَّيْطَانِ الرَّجِيمِ
وَلَقَدْ بَعَثْنَا فِي كُلِّ أُمَّةٍ رَسُولًا أَنِ اعْبُدُوا اللَّهَ وَاجْتَنِبُوا
الطَّاغُوتَ فَمِنْهُمْ مَّنْ هَدَى اللَّهُ وَمِنْهُمْ مَّنْ حَقَّتْ عَلَيْهِ
الضَّلَالَةُ فَسِيرُوا فِي الْأَرْضِ فَانظُرُوا كَيْفَ كَانَ عَاقِبَةُ
الْمُكَذِّبِينَ ﴿٣٦﴾



Maksudnya: *“Dan sesungguhnya Kami telah memutuskan dalam kalangan tiap-tiap umat seorang Rasul (dengan memerintahkannya menyeru mereka); “Hendaklah kamu menyembah Allah dan jauhilah Taghut”. Maka di antara mereka (yang menerima seruan rasul itu), ada yang diberi hidayah petunjuk oleh Allah dan ada pula yang berhak ditimpa kesesatan. Oleh itu mengembaralah kamu di bumi, kemudian lihatlah bagaimana buruknya kesudahan umat-umat yang mendustakan Rasul-rasulnya.”*

Kedatangan Nabi Muhammad SAW telah membebaskan manusia daripada huru-hara perundangan. Melalui ajaran Islam, manusia diajak supaya kembali tunduk kepada aturan Ilahi, sehingga mereka hidup dalam suasana beribadah hanya kepada Allah, di dalam suasana Islam tidak lagi ditindas dan dihina.

Pelaksanaan syariat Islam telah membebaskan mereka daripada segala bentuk penindasan dan penghinaan. Ajaran Islam memerdekakan umat manusia daripada



gelapnya kesesatan kepada cahaya kebenaran, daripada kemelut jahiliah kepada sinar Islam, daripada hinanya kemaksiatan kepada mulianya ketaatan.

Ia mengajar bahawa memiliki bangunan-bangunan pencakar langit tetapi dicelah-celahnya ada aktiviti seperti penagihan dadah, pelacuran, rasuah dan pengangguuran bukanlah kemajuan yang hakiki pada erti kata yang sebenar.

Membina tamadun berdasarkan material memanglah mudah, tetapi membina tamadun kemanusiaan berasaskan akhlak dan jiwa murni yang bebas daripada segala bentuk penjajahan minda dan jiwa adalah tamadun sebenar umat yang merdeka. Ia tidak semudah yang difikirkan, bahkan ia memerlukan roh keimanan yang benar-benar berpaksikan petunjuk al-Quran dan sunnah.

Sidang Jumaat Yang Dikasihi Allah,

Sekali pun istilah kemerdekaan memberi seribu satu penafsiran bagi setiap individu, namun ia tidak



seharusnya dilihat sebagai titik penamat kepada babak penjajahan kerana penjajahan akan terus wujud dalam pelbagai bentuk. Sama ada dalam bentuk pemikiran, ekonomi, akhlak dan budaya. Ia telah membuatkan kita gagal mengembangkan potensi dan keupayaan negara.

Pengaruh penjajahan ke atas umat Islam boleh dilihat dengan jelas pada sikap dan pemikiran mereka. Masing-masing membawa ideologi yang jauh dari ajaran Islam. Ada negara Islam yang berfahaman sosialis, nasionalis, konservatif, liberalis dan sebagainya. Ditambah pula dengan pertelingkahan antara aliran Sunni dan Syiah yang tidak kunjung selesai, termasuklah dua aliran pemikiran yang saling sanggah-menyanggah, iaitu Sufi dan Salafi. Kesemua itu membawa banyak implikasi negatif terhadap akhlak, perundangan dan pemikiran.

Akibatnya wujudlah budaya 'kafir-mengkafir', fahaman rasisme, taksub sehingga menimbulkan perseteruan berbentuk maki-hamun, rendah-merendahkan, sentimen kebencian terhadap sesetengah kumpulan



dan golongan serta benci-membenci dalam kalangan ummah. Kesannya berpanjangan dan sukar untuk dikikis kerana sifat sombong dan angkuh atas kepentingan peribadi, kumpulan dan kelompok.

Sedangkan keberkahan dan kemuliaan akan kita perolehi apabila hidup berdampingan secara damai dan saling menghargai sebagaimana yang dikehendaki oleh Islam. Amirul Mukminin Umar Ibnu al-Khattab RA pernah berkata;

نَحْنُ قَوْمٌ أَعَزَّنَا اللَّهُ بِالْإِسْلَامِ فَمَهْمَا ابْتَغَيْنَا الْعِزَّةَ
فِي غَيْرِهِ أَذَلَّنَا اللَّهُ

Maksudnya: *“Kita adalah kaum yang Allah berikan kehebatan dengan Islam, akan tetapi jika kita cenderung memilih kehebatan lain selain Islam, tentulah kita akan dihina Allah”.*



Sidang Jumaat Yang Dikasihi Allah,

Kemerdekaan yang kita capai saat ini hanya terhad kepada kemerdekaan fizikal sahaja, sedangkan dalam bidang kehidupan yang lain umat Islam masih terbelenggu dengan cengkaman penjajah. Dari sudut pemikiran, umat Islam masih belum merdeka sepenuhnya. Penjajahan yang dahulunya dilakukan secara terang-terang dan terbuka, tetapi saat ini sudah berubah serta dilakukan dengan cara yang lebih halus, tidak terasa meskipun inti patinya tetaplah sama.

Oleh kerana itu, mimbar menyeru agar kita sama-sama menghitung diri dengan penuh ikhlas dan berlapang dada. Laungkanlah kemerdekaan yang hakiki, merdekakanlah diri daripada perhambaan sesama manusia dan penyembahan hawa nafsu kepada ibadah yang tulus hanya kepada Allah. Nescaya dengan cara itu, kemerdekaan yang diraikan akan lebih bermakna bagi kita. Sesungguhnya umat Islam hari ini tidak mungkin dapat diselamatkan melainkan dengan apa yang telah menyelamatkan umat yang terdahulu.

أَعُوذُ بِاللَّهِ مِنَ الشَّيْطَانِ الرَّجِيمِ
وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا وَاذْكُرُوا نِعْمَتَ
اللَّهِ عَلَيْكُمْ إِذْ كُنْتُمْ أَعْدَاءً فَأَلَّفَ بَيْنَ قُلُوبِكُمْ
فَأَصْبَحْتُمْ بِنِعْمَتِهِ إِخْوَانًا وَكُنْتُمْ عَلَى شَفَا حُفْرَةٍ مِنَ
النَّارِ فَأَنْقَذَكُمْ مِنْهَا كَذَلِكَ يُبَيِّنُ اللَّهُ لَكُمْ آيَاتِهِ
لَعَلَّكُمْ تَهْتَدُونَ ﴿١٠٣﴾ ﴿آل عمران : 103﴾

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنْ آيَاتِ وَالذِّكْرِ الْحَكِيمِ، وَتَقَبَّلَ
مَنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ
قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ إِنَّهُ هُوَ الْغَفُورُ الرَّحِيمُ.



Khutbah Kedua (Bulan OGOS 2020)

الْحَمْدُ لِلَّهِ نَحْمَدُهُ وَنُسْتَعِينُهُ وَنُسْتَهْدِيهِ
وَنَسْتَغْفِرُهُ، وَنَعُوذُ بِاللَّهِ مِنْ شُرُورِ أَنْفُسِنَا وَمِنْ
سَيِّئَاتِ أَعْمَالِنَا، مَنْ يَهْدِهِ اللَّهُ فَلَا مُضِلَّ لَهُ، وَمَنْ
يُضِلِّهِ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ
أَنَّ مُحَمَّدًا عَبْدُهُ وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَالتَّابِعِينَ بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا أَيُّهَا الْإِخْوَةُ الْمُؤْمِنُونَ! اتَّقُوا اللَّهَ،
أَوْصِيَكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.



Sidang Jumaat Yang Dirahmati Allah,

Saya berpesan kepada tuan-tuan dan diri saya sendiri, supaya bertaqwa kepada Allah SWT dengan mematuhi segala perintah-Nya dan menjauhi segala larangan-Nya.

Pada saat yang penuh barakah ini, marilah kita lafazkan kalimah ***Alhamdulillah***. Kita panjatkan setinggi-tinggi kesyukuran atas segala nikmat kurniaan-Nya termasuklah harta-benda yang dikurniakan Allah SWT. Disamping itu, marilah kita memperbanyakkan selawat ke atas Nabi Muhammad SAW sebagai melaksanakan perintah Allah SWT dalam surah al-Ahzab, ayat 56:

أَعُوذُ بِاللَّهِ مِنَ الشَّيْطَانِ الرَّجِيمِ
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ
ءَامَنُوا صَلُّوا عَلَيْهِ وَسَلِّمُوا تَسْلِيمًا

اَللّٰهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِ سَيِّدِنَا مُحَمَّدٍ. كَمَا صَلَّيْتَ وَسَلَّمْتَ وَبَارَكْتَ

عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي
الْعَالَمِينَ إِنَّكَ حَمِيدٌ مَجِيدٌ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ
وَالْمُؤْمِنَاتِ الْاَحْيَاءِ مِنْهُمْ وَالْأَمْوَاتِ. اَللّٰهُمَّ اَرِنَا
الْحَقَّ حَقًّا وَاَرْزُقْنَا اتِّبَاعَهُ وَاَرِنَا الْبَاطِلَ بَاطِلًا
وَاَرْزُقْنَا اجْتِنَابَهُ، بِرَحْمَتِكَ يَا اَرْحَمَ الرَّاحِمِيْنَ.

اَللّٰهُمَّ اَنْزِلِ الرَّحْمَةَ وَالسَّكِيْنَةَ وَالسَّلَامَةَ وَالْعَافِيَةَ
عَلَى مَلِكِنَا، كباوه دولي يڭ مها موليا سري قادوك
باكيندا يڭ دڤرتوان اڤوڭ ك-انم بلس، اَلسُّلْطَانُ
عَبْدُ اللهِ رِعَايَةُ الدِّينِ الْمُصْطَفَى بِاللّٰهِ شَاهِ ابْنِ
الْمَرْحُومِ سُلْطَانِ حَاجِ أَحْمَدُ شَاهِ الْمُسْتَعِينِ بِاللّٰهِ،
وكذلك مولانا توان يڭ تراوتاما تون داتوء سري
اوتاما دوكتور حاج عبد الرحمن بن حاج عباس،
يڭ دڤرتوان نكري قولاو فينڭ.



Ya Allah, jadikanlah kami orang-orang yang mendirikan solat secara berjemaah dan menunaikan zakat melalui Zakat Pulau Pinang, Majlis Agama Islam Negeri Pulau Pinang (MAINPP). Ya Allah, rahmatilah golongan yang menunaikan zakat dan pihak yang menguruskan kutipan dan agihan zakat. Jadikanlah usaha ini sebagai satu langkah yang berkesan bagi menyempurnakan tuntutan berzakat.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا
عَذَابَ النَّارِ.

عِبَادَ اللَّهِ ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَاءِ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ
يَذْكُرْكُمْ، وَاشْكُرُوهُ عَلَىٰ نِعَمِهِ يَزِدْكُمْ، وَاسْأَلُوهُ مِنْ
فَضْلِهِ يُعْطِيَكُمْ، وَلَذِكْرُ اللَّهِ أَكْبَرُ. وَاللَّهُ يَعْلَمُ مَا
تَصْنَعُونَ.